

而西域亦瓦解焉者國近匈奴先叛殺都護但欽莽不能討天鳳三年廼遣五威將王駿西域都護李崇將戊巳校尉出西域諸國皆郊迎送兵穀焉者詐降而聚兵自備駿等將莎車龜茲兵七千餘人分爲數部入焉者焉者伏兵要遮駿及姑墨尉犁危須國兵爲反間還其襲擊駿等皆殺之唯戊巳校尉郭欽別將兵後至焉者焉者兵未還欽擊殺其老弱引兵還莽封欽爲剡胡子鄧展曰剡音衫師古曰剡絕也音子小反字本作剡轉寫誤耳李崇收餘士還保龜茲數年莽死崇遂沒西域因絕最凡國五十自譯長城長君監吏大祿百長千長都尉且渠當戶將相至侯王皆